

Туркия телеканалларида Ўзбекистон зиёрат туризми тарғиб этилмоқда



19:38 / 06.03.2025 1327

Туркиянинг «ТРТ-Аваз» ва «Самарқанд-ТВ» телеканалларининг муборак Рамазон ойи учун мўлжалланган дастурларида Ўзбекистон тарихий шаҳарлари ҳақидаги кўрсатувлар намойиш этилаётир. Бу ҳақда «Дунё» АА мухбири хабар беради.

Мазкур телеканалларнинг муборак Рамазон дастурлари учун айнан Ўзбекистонни танлагани бежиз эмас. Чунки, турк халқи мамлакатимизни «Ота юрт» дея эъзозлайди, муштарак миллий ва диний қадриятларимизнинг асосларини Мовароуннаҳрда деб билади.

«ТРТ-Аваз» теканалида намойиш этилаётган «Туркистонда сўзнинг моҳияти», «Самарқанд-ТВ»да тақдим этаётган «Саҳарлик мажлиси» ва «Ифтордан аввал» дастурлари бутун Рамазон ойи давомида «прайм-тайм» вақтида эфирга узатилаётгани эътиборга моликдир.

Қайд этиш керакки, дастурлар давомида мамлакатимизнинг тарихий ва муқаддас диний қадамжолари, Мовароуннаҳрда етишиб чиққан ислом оламидаги машҳур олимлар, шунингдек, сўнгги йилларда юртимиздаги қадимий зиёратгоҳларни асраб-авайлаш ва ободонлаштириш бўйича амалга оширилаётган ишлар ҳақидаги маълумотлар томошабинлар эътиборига тақдим этиляпти.

Мазкур телелойиҳалар мамлакатимизнинг зиёрат туризми салоҳиятини тарғиб қилиш ва юртимизга сайёҳлар оқимини кўпайтириш йўлидаги муҳим қадам ҳисобланади.

?????: «????» ??